



# ЧАННАЦІУЖУ

«ЗВЕЗДА»

9 декабрь 2016ш

ножмар

№ 47 (6528)

Багы 2 кыруш

Газета буклаккиссар  
1951-ку шинал  
ноябрьдания шинмай

Учредитель: Ккуллал районнул администрация  
Кулинская районная администрация

## Билаятрал бучлант имур жула клунттихь

2016-ку шинал декабрьданул 1-ний Аьрасатнал Федерациялул Президент Владимир Путиннул Кремлилул Георгиевский залланулу дурккунни Федеральний Собранилийнсса гьарца пинахсса Послание.

Посланиялулу гьаз бувну бия сайки гьарпагу масьалартту экономикалул, багы-бизулун, виваллил ва кьатгаллил политикалул хас бувсса. Ялавай клици лаганну паччахлул бакичинал цала посланиялулу члурчав дуллалисса яла агьанми масьалартту.

Хлакьину жура яла хьунмур кьулагьас дуванну, увкуна цала ихтилатраву паччахлул бакичинал, экономикалул, ахвалланул масьаларттах ва виваллил политикалул. Жунма вай масьалартту ца чулин бу ккан буллан багылай бур бигьа дакьасса, ххарахуппи хьусса члумул шартирдаву. Аьрасатнал халкьуннал цлунилгу ккаккан бунни, жаваб дулун бюхьайссса бушиву бигьа дакьасса тла лавшиннардин, буруччин ва чларав бацлан миллатрал мурадду буруччаврил, билаят ва лавсун нанисса ххуллу чия хьар бакьасса бушиврул.

Агьалий чачлун хьуну, лагма лавгунни, миннан цинявннан ххуйну ва канма ччиккун бунутлий бакьча, миннан бувчлунутлий мий захматшивурттар ххув хьунтлививу циняв ца хьусса члумал. Аьрасатнал цланнийзунхладуршиву, дакнинхтунсса, амал бакьасса кьайгы ганих бушиву- вайнна вай гьануну хьанай бур му цашаврил. Мува члумал инсантурал умуд бур миннан щаллу дувантлививрий гьартасса ва архалесса каширду цала гьунар ишла бувансса ишбажаранчишиврул творчествалул, оьрмулулу цала сипта ишла дувавриву, умуд бур канма цала ихтиярдан, тархьаншиврун, захматран, хлурмат биклан шиврий.

**Паччахлул гьарал Думалувансса** бувчлавурттал хлакьираву члурчав дуллай клици ларгуна 2012-ку шиналсса Посланиялулу хьинчулий ккаккун бивклушиву бавчлавуртту хла-ла-ккаласса дуваврин клира

баву. Ва члявучил тлалавшиннарал чулинмай лав сусса ша хьана хьисса я.

Политический система тлайланнасса демократиялул институтру хьхичлунмай шаву мурадрай лавсун нанисса ххуллурду, тлайласса бушиву чланан бивклуни ва вания тихунмайгу бачин бувантиссар.

Агьалийнал члалачи дунни бувчлавурттал компаниялул жям, члалачи бунни билаят ччаннай бацлан буллансса ххуллурду, мийжан бунни жува ялапар хьанай бушиву базилавгсса, цала тлалавшиннарду щаллу дуван бюхьайсса обществалулу.

**Жула билаятрал тарихрал хлакьираву** ихтилал буллай клици лавгунни 2017-ку шинал хьанай душиву 100 шин февраллайссса ва октябрьданийсса революциярдал. Ва жула цинявнналагу амсса тарихри ва мунихсса кьулагьасгу хлурматрайсса диклан аьркинссар.

Вихшала дуссар билаятрал члявуми инсантурал цала Ватаналухсса ччаву хлурмат бусса душиврий. Тарихрал дарсругу жунна аьркинссар яла-яла жула дянив дакьаву, дусшиву, цлакь шаву мурадрайсса.

Цукунклуи кьабуччи хьанай бур цланасса оьрмулулу вун клунклу буллан лавг оьрмулувусса оьгьалмур, зид бумур, дянив рутлатимур. Жунма дакний биклан аьркинссар жува цавай халкь бушиву, жува - цасса халкь ва Аьрасат жула ца бушиву.

**Жула билаятрал**



**оьрмулулу дачин дурсса политикалул мурад,** клици лавгуна В. Путиннул, халкь буруччавур, инсантурал капитал авадан хьун дуваву ца яла хьунмур аваданшивур Аьрасатнал. Мунихтуну жула хларачатгу буруган бувну буссар жула аьдатругу ва кулпат буруччаврин, халкь гьарца хьун баврил программалух, экология ххуй шаврих, инсантурал цлуллу-сагышиву дуруччаврих, дуккаву ва культура хьхичлуннай шаврих.

Махьсса ацла шинал мутталий ацлия ххуйла лахь хьунни инсантуран медициналул чулуха високо технологический кумаг бувавриву. Агарда 2005-ку шинал мукунсса кумаг 60 азара инсаннан бувну бивкльурча 2015-ку шинал 900 азаруннан кумаг бувсса хьанай бур. Мукун бухьурчагу, цланасса члумалгу здравоохранение уттигу хьхичлуннай хьун дуллан дур.

Члявуну кьашайшалтран цала цлуллушиву дуруччин ирглий бацлан багылай бур. Хлакьинталгу члявуну мажал бакьа биклай, захматри аьркинсса специалистначлан члумуй агьан. Члявуну шай поликлиникарду аьркинсса цлусса оборудованиялул балжан бувну, амма ми шуручи дулланминнал квалификация дакьа бавцлусса.

**Оьрчлан клулушиву дулаврил** масьаларттая гьалгьа буллай клици лавгунни школардай оьрчлан дук

лан лайкьсса, кьулайсса шартлру диклан аьркиншиву. Школарду биклан аьркиншиву цлусса члумун лавхьхьусса. Бухьусса, нигьачин дусса школарду кьабиклан аьркиншиву. Духлаган дуван аьркиншиву, цалчин дуклакки оьрчлру шамилчинмур сменалий дарсирдайн зана заву, муния махь тлурчаклилчинмур сменалий заназавугу.

Му мурадрай 2019-ку шиналнин школардай хьун

буван тлий бур 187998 оьрчлансса клану.

**Лагма-ялтгусса кланттурду благоустроить бувавриву,** бувсунни паччахлул гьарал бакичинал, хьирив нанисса шинал мидавурттан итабакьинтлививу 20 миллиард кьуруширттал мукунма 2017-ку шин баян буллай ушиву экологиялул шинну. Хьиривсса шинаву байбишинтлививу ххуллурду низамрайн буцлай. Клира шинал мутталий циняв ххуллурдал бачиннуяр ххишала сса ххуллурду низамрайн буцин аьркинссар.

Цала Посланиялулу АьФ-лул Президент В.Путин мукуна гьартану авцлунни индустриялул, экономикалул тагьар хьхичлуннай шаврий, коррупциялуцалсса тала-тавррий, банкрот даврил кьайдалий, элмисса давуртту хьхичлуннай шаврий, кьатлаллил билаятирттал чулуха кьадагьавай дуллалисса дай шишурдайн, цайми билаятиртталалсса хлалагьурттушиврий ва мукунма цаймигу агьамшивуртту дусса масьаларттай

## Дуккаврил, цлуллу-сагышиврул хьхичлунми проектру

Хлукуматрал клунттилу, кьанкьасса тлалавшиннаралу диклантлий дур дуккаврил ва цлуллу-сагышиврул хьхичлунми проектру.

Вай проектру иширайну биттур дулланшиврул хладур бувну бур паспортру здравоохранениялул ва образованиялул ххуллурду ккаккан бувсса.

Проектрал ялул хладур бувну бур миннуха зий, ялул бацлансса проектирдал комитетру

Обоованиялул иширттаву хлукуматрал итдаркьун дур мукуна ишла дуллансса проект.

Миккува цалчинмур дурган дурну дур, хлукуматрал председатель Д.Медведевлул бусаврийн бувну, дуклакки оьрчлан дуккаврил лайкьсса шартлру дузал дуван. Му мурадрай арцу ита-дакьлантлий дур школарду ремонт баврин ва цлусса баврин, микку члумун лархьхьусса оборудование шаллу дан. Хьхичл бавцлусса масьала хьанай бур школардай дуклакки оьрчлан билалсса клантту хьун баву, дарсру дишавриву ца сменалийн бучлаву, школардан аьркинсса лайкьсса кадрарду шаллу баву, дуккаврил лавайми заведениярду хьхичлунмай хьун баву.

Цлуллу-сагышиву дуруччаврил ялувсса проектирдаву ккаккан бувну бур, цалчин, уттинин микку хьун дурсса ккаккиартту цлакь хьун даву, хаснува бувайсса оьрчлру гьарца хьун баву. Клилчин, хьуннасса кьулагьас дуллан тлий бур санитарный авиация хьхичлуннай хьун даврих, хаснува больницардачла вертолетру ликкайсса площадкарду даврийну ва авиоперевозчиктурал кьуллугьру ишла баврийну. Гьаз буван бур дарурду итабакьаву, кьалпсса дарурду ишла буллан кьабитаву ва цйаимигу.

## Ниттил кьини



Ноябрь зурул 30-нний Ваччавсса библиотекалул чигталный заллану хьунни «Ниттил кьинилун» хас дурсса тяхъашиву. Шиккун бавтун бия районналул культуралул зузалт, районналийсса идараттал бакчичиталну зузисса кьул лугъчитал, Куллал районналул бакчичинал хьиривмур Сабрина Ильясова ва Хурмат лавайсса ниттихьул.

Тяхъашивулун лагру сакин дурну дия лагма столлу бивхьуну чай ва нацу-кьацу дусса ссупрагу тивтуну.

Ниттил кьинилушал тяхъашиврийн бавтмий ва циняв ппава ниттихьул барча бувна районналул бакчичинал хьиривмур



Сабрина Ильясовал, районналул бакчичи Сулайманов Саэдлул ча ча увкуна гьарцагу нитти хьал кулпатраву иминшиву, дакьаву, оьрчал нитти-бутта ххари буллалаву ва кьул лугъчиталну зузисса нитти хьангу давурттаву тлайлабашу .Махьру лавхьуна цайминналгу.

Тяхъашиврий кьавтла вуртту ккаккан дурна, балайр ду увкуна культуралул зузалт рал хладур бувсса душарал ва оьрчал.

Цуллушиву дулуннав зун ниттихьул!

Суратиртгай: «Ниттил кьинилул» лахзарду

**XI. Хусайнов**

## Члявусса захимат бувну бур

Чляйнал шяравасса Юсупова Аминат Шапинал душ хьанай бур буттал клантул цлянийсса хьун дяввилул ва захиматрал ветеран.

Цила бусса оьрмулий хлакьину сса кьининин, Аминатлул члявусса захимат бивхьун бур Чляйнал «Красный партизан» колхозраву, яла Ваччавсса Госбанкрай зий. Буттал клантул цлянийсса Хьун-масса дявви байбивхьусса шин-нардий Аминатун диркун дур дурагу 9-10 шин.

Ххувшаврил кьини гьан дуллай зий бивкиссар кьиниттуллухми, мигу члявуми хьами, душру, ниттихьул, цала ласругу аьрайн тлайла бувккун, хьуру гьай тлий, яттичлахьуллушиву дуллай, хьуру дугьлай, ттихлай зий бивкиссар. Члявусса захимат бивхьун бур Аминатлул цила ниттишчал Таибатлушчал кьурув, ххалав, дурчлай, хлуйтай захиматсса шиннардий. Шамила лавгун бур Аминатлул нину Таибат кьанаврду дуклан, ниттил клану бувгун зий бивкун бур Аминатгу. Цила оьрмулул ацляния клира шинаву байбивхьуну 4-5 шин дурну дур колхозраву дояркану, яла гьарцагу кьурнил давурттай зий.

Муния махь Аминатлул 25 шин ххинугу дурну дур Ваччав Госбанкрай технический зузалану зий, му пурттугу хлалал бувну бур цимивагу барчал-лагьру Гьанжилия хьунмур кланавату ва районналул бакчидургьуминнал чулуха. Члярур Аминатлул ча Почетная грамотарду ва Барчаллагьрал чагьарду.

Яла-яла цила иминсса хасиятрайну ххира хьуна Аминат ца ссу ца нину кунма цилчала архлал зузиминнан.

Цила ласнашчал аьпабиву Аьвдуллагьлушчал хьунугу бувну, дуккину бувну, ххаллилну тарбиягу бувну шаллу бунни хьюва кулпат. Аминатлул оьрчлру ва душру бур нину кунма дакру хьуни дакьасса, гьарцаннашчал чларав бацлайсса дакру хьинсса кулпат.

Гьарицагу чляйричунал пахру бан лайкьсса бур вайннал кулпат.

На члявуну гьайссия Аминатхьаннин, мунил арс Ахлмат ттушала члун архлал оьрчлуну Та гьарцагу Аминатлул жу цила оьрчал личлн кьабайва.

Махл лалийгу, шяравугу Аминатлул Хурмат Чляйнал жьаматрача даимангу буссар. Ноябрь зуруй жул Чляйнал шяраву, шяраваллил биб лиотекалуву хьуна даркьуна ниттихьал кьини, мушакьатну буну Аминатлуша шиккун бучлан кьабювхьуна. Дакл-нихтуну ниттил кьинилушал барча буллай, ча тлий буру Аминатлул цуллушиву, ххаришиву, кулпатинная тирхханну. Битаннав ина Аминат вина ччикун. Ина бивхьусса захиматрал хьиччл жу даимангу икрам буллай буру!

**A. Аьбдуллаев**

## Цинявннан цасса цлусса полисру

2011-ку шиня шихуннай Аьрасатнал Федерациялий най дуссар медициналул полисру цинявннан цасса журалул полисру даххана даву.

Цлусса журалул полис дуккан дурссар АьФлул гьарца регионнайсса инсантураща бюхьланшивул билаятрал ччимур клантурдай медициналул кумаг тлалав буллан. Цлусса полисрайн бувну страховать хьусса инсантураща бюхьантиссар билаятрал ччимур регионналий медициналул кумаг тлалав буван. ОМС-рал цлусса полис циняв страховой компаниярдан аьмсса полисру хьанакьиссар, цавугу чивчусса гьарцагу страховать хьунал идентифицированный номерду.

Цлусса журалул полис ласуншивул аьрза чичайссар медициналул страховой организациаллийн. Мунишала архлал булайссар документирттал копьярду нотариусрал цлакь бувсса:

14 шиня лирчусса шинну хьуссаннал биклан аьркинссар паспорт ва ци-

ла лицевой счетрал страховой номер (СНИЛС).

14 шин хьун дурасаннан аврил чагьар ва ганал чулухасса вакилнал паспорт.

Аьрза буллалисса кьини страховой компаниялул дулайссар члумуйнуса свидетельстварду ОМС-рал полис шаллу дуллалаврия ва му справка гужираву личлайссар 45 гьантлий, муния махь дулайссар цурда полис. Члумуйнуса полисрал члун кьуртал хьанакьисса члумал хьирив уккан аьркинссар цала муданнасса полис ласун. РД-лул ТФОМС-рал Лавашавсса филиалланул хьунмасса тавакьюри филиалланул кьуллуугу буллалисса медучреждениярда цлусса журалул страховой полисру ласаву цила члумал.

Куллал районналий ЗАО «Макс-М» страховой компаниялул Мачахл кьаллал ОМС-рал филиал-

ланул пунктрая бюхьай-ссар ласун цлусса полисру. Му пункт буссар Ваччав, районналул центральный больничалуву. Му зузиссар сьят 9-нния 13 сьят хьунни, перерыв дакьанма. Кьазузиссар ххуллун, алхлат кьинирдай.

Кьабувчлайсса мась-алалул ялув цлуххаву дуван бюхьайссар ЗАО «Макс-М»-райн ва адресрай: Махл ачкьала, Степан Разинлул цлянийсса кичлявалу, 17, ягу горячий линиялул телефоналувух 65-05-27, страховой компаниялул телефоналул номер ккаккан бувну буссар цлусса полисрай цайва. Мукунма аьркинсса масьалалул ялув цлуххаву дуван бюхьайссар ТФОМС-рал Лавашсса филиаллийн мунил директор Г.К. Аьлиевлул чан (8-906-448-08-44) ва хьунма специалист Г.Н. Насруллаевлул чан (8-906-449-98-77).

**Г.К. Аьлиев,**  
ТМОМС-рал Лаваш-сса филиалланул директор.

Декабрьданул 1-нний шалагу дуняллул СПИД-рацал талатаву даврил кьиния.

## СПИД-дуняллий ца яла оьккимур азар!

Декабрьданул 1-нний шалагу дуняллий клицл лагай СПИД-азаруннишчал талатаврил кьинину. Хлакьинусса кьини ва азар кьаллий дултай бур дуняллий яла оьккимур азарну. Хьхьичлра -хьичл СПИД дуняллий ялул ливчуну дур 1981-ку шинал Американаву (Лос-Анжелес ва Ньюйорк шагьрурдай). 1982-ку му азаруннин ца дирзуну дур СПИД-тисса (синдром приобретенного иммуно-дефицита), яла 1986-ку шинал ВИЧ (вирус иммуно-дефицита человека). Ва азаруннил кьашавай пайхту чурххал азаруннишчалсса талатаву (иммунитет) духлаган дултай дур, оьваннасса, чляри-хьунсса хьхьарасса азаруннишчалвагу талан кьабюхьайсса бур.

Хлакьинусса кьининин СПИД-азаруннил кьашавай хьуну ливтлуну бур дуняллий 26 миллион инсантурал. Гьарца кьинидуняллий СПИД-рацлуну кьашавай хьусса хьанай бур 5500 инсан. 2015-ку шинал дуняллий кьашавай хьуну ур 2,3 миллион инсанттурал, Аьрасатнаву кьашай хьуну ур 1 миллионналу ливчуса инсантал. Дагьустаннай хлакьинусса кьини СПИД-рал кьашавай ур 2700 инсан, миннавату 2016-ку шинал цлуну кьашавай хьуну ур 168 инсан. Вай хьанакьиссар дахьва клулмий, миннаяр члявусса биклантиссар кьаклулмий. Дагьустаннай яла СПИД-рал чулухунмай кьаххуй сса иш хьанай бур Дербент шагьрулий, хьирив Кумторкалинский, Новолакский, Ногайский, С-Стальский, Тарумовский районнай.

Хлакьинусса кьини жула районналий бур ва азаруннил кьашавай сса 4 инсан, мийгу Лаккуй «пропискарду» дуну, амма цивпащала хлалтай Аьрасатнаву ялапар хьанакьисса. ВИЧ инсан найн лахьайссар оьттуйчлн, спермалушчал, ниттил накливух.

Цланасса члумал ва азар яла члярунла хьайлай, ппив хьанай дур инсантал «вьялийну» хлала буххаврийну (половой), хьирив ххалаххайх (шприцрайчлн) наркотиклру кьутлатлийн, хьирив оьтту бутлаврийну, ккарччив дуккай кабинетирттаву цал багьайкун марцл кьабувну инструментру ишла бувну инсантал СПИД-рал кьашавай бувссагу клантурду бур.

Цланасса члумал яла-яла шагьрурдай, члявусса бур хьанишчал бляхьай клантурду, наркотиклру ишла буллай бур хьинну члявусса. Мюрщи оьрчлангума телевизорданивух, телефоннай члявусса инсан «вьялийн» увайсса запру ккаккан захимат бакьар. Жула республикалий шагьрурдай ялагу бур рестораннаву «бигьалагай кьатри» тлий, мюрщи гости ницарду тлий, бани-саунардутлий жула халкь зия буллалисса, «Бусурмансса» агьалийнан кьалайкьсса бляхьай, аьркин бакьа клантурду.

Амма ва азар цинна цурда ппив хьанай диртуну дакьассар,

мунишчал талатаву дачин дурну дуссар шалагу дуняллий. Так ца жула хлукуматрай буссар 6-региональный Центр, 700-ва азар клул дувай (диагностический) лабораториярду, 150-кабинетинсан кьюлтлну кьашавай урив-акьарив ххал айсса. Дагьустаннай буссар Махл ачкьалалив (ул. Гоголя -43) СПИД-раха зузисса Центр ва инсан кьюлтлну кьашавай урив акьарив ххал айсса (анонимный) кабинет. Хьуннасса даву дуллай дуссар больницардай, ишла бувайссар так «одноразовый» шприцу. Ва азаруннишчал таланшивул аьркинну бур хьхьичла хьхьичл жагьилтура щалсса тарбиялул даву ххуйну дачин дуван, наркотикру ишла бавришчалсса талатаву гуж дуван, инсан «вьялийн», бляхьай клантурду бухлаган буван.

Укунсса аьркин бакьа клантурду, цланакуннасса тарбия халкьуннал дуссаксса, ца медициналуца СПИД-азаруннишчал талан хьинну захиматссар, азаргу гужнура ппив хьанантиссар. Ва азаруннин ттигу кьашавай махьин увансса дарув, ягу кьашавай хьун кьаитансса дарув (вакцина) буккан бувну бакьар, буккан буван бюхьалайгу бакьар. Мунияту жулва-жува буруччин багьлай бур, азаргу гьарцаннал чларак дукканнав.

**XI. Тариев,**

Куллал ва Лакрал районнал «Центр гигиены и эпидемиологятул» хьунма хлакн.

## Страховой взносу дулаврия ва отчетру дулаврия

2017-ку шинал январьданул 1-нния тихунмай чара бакъа дуван аьркинса пенсионный ва медициналул страхованиялул взносу дулаврил администрирование дуллантиссар Аьрасатнал Федерациялул налогирдал Федеральний къуллугьрал.

### Аьрасатнал Федерациялул пенсионный фондрал администрирование дуллантиссар:

Чарабакъасса пенсионный страхованиялул хушрай страховой взносу дуллуссаннал.

Пенсия салкьи хьун буллалисса ялун ххи дурсса страховой взносу.

### Аьрасатнал Федерациялул пенсионный фондрал къамул буллалиссар:

СЗВ-М журалул пенсионифицированный учетраясса индивидуальный сведения (отчет дуллалисса зурул хьиривсса зурул 15-ннил числораяр ч1ал къадурну).

Страховать хьуссаннал стажраясса баян буваву (мартрал 1-ннийр ч1ал къадурну хьирив нанисса шинал).

Салкьи дуллалисса пенсиялувун страховой взносу ва работодателнал дир

чусса взносу дичавриясса реестрду (квартал къуртал хьуну 20 гьантлувунияр ч1ал къадурну)

Ларгсса кварталаний накопительный пенсиялувун страховой взносу дичавриясса платежный пареченияр дал копиарду (квартал къуртал хьуну 20 гьантлувунин)

2017-ку шинал дурмунил ялув ПФР-дунул ххалбигьавуртту дуллалисса дауртту дуллантиссар:

2016-ку шинал ПСА-1-лул отчетру къамул дуваву (2017-ку шинал февралланул 15-нний чагьардайсса, февралланул 20-нний электронныйну).

Страховой взносирттал цайми расчетру къамул дуваву х1исавккал дуваву.

К1антту-к1анттурдайнал лавгун ххал дигьавуртту дуваву ва миннул х1акьираву ххуллурду ласаву.

### Мукумма:

ххишала дирчусса страховой взносу махьуннай дичаву:

лахъаву ласун къабюхълай лирч1сса страховой взносу, пенийрду, ва аьч1арду яла дичаву.

### С.Мадаев,

районналул ПФР данул зузала

## Къамул буллалиссар

2016-ку шинал декабрьданул 12-нний ссят 12-нний ссят 20 хьуннин шала Аьрасатнаву хьанахьиссар агьалий военный комиссариатирттал къамул буваву. Мукумсса къамул бувавуртту

хьанахьиссар Южный военный округрал воинский частирдай, идарардай ва организациярдай. муниин бувну Ккуллал ва Лакрал районнал военный комиссариатирттал къамул буллалиссар агьалий шала

масыларттал ялув Военный комиссариат буссар: Гьумук Лакрал районналий  
**Х1. Масыев,**  
Ккуллал ва Лакрал районнал военком

### Информационное сообщение о приеме заявлений граждан о намерении участвовать в аукционе.

Администрация муниципального образования МО «Кулинский район» Республики Дагестан сообщает о возможности предоставления в аренду сроком на 49 лет земельных участков из земель сельскохозяйственного назначения.

1. Земельный участок площадью 107500 кв. м. с кадастровым номером 05:28:000017:17/1 расположенного по адресу Россия, Республика Дагестан, Кулинский район с. Вихли, с разрешенным использованием для сельскохозяйственного производства.
2. Земельный участок площадью 107500 кв. м. с кадастровым номером 05:28:000017:17/2 расположенного по адресу Россия, Республика Дагестан, Кулинский район с. Вихли, с разрешенным использованием для сельскохозяйственного производства.

Граждане, крестьянские (фермерские) хозяйства, заинтересованные в предоставлении земельного участка, в течение 30 дней со дня опубликования и размещения данного информационного сообщения вправе подавать заявления о намерении участвовать в аукционе на право заключения договора аренды Участка. Прием заявлений осуществляется по рабочим дням с 9 до 17 часов по адресу: 368390, Республика Дагестан, Кулинский район с. Вачи, здание администрации муниципального образования МО «Кулинский район». Заявление подаются в виде бумажного документа непосредственно при личном обращении, или в виде бумажного документа посредством почтового отправления, или в виде электронного документа посредством электронной почты (подписываются электронной подписью заявителя).

Дата и время приема заявлений 30.11.2016г. в 09.00

Дата время окончания приема заявок 30.12.2016г. в 17.00

Дата подведения итогов 31.12.2016г. в 12.00

Ознакомиться со схемой расположения Участка на кадастровом плане территории можно с момента начала приема заявлений по адресу: 368398 Республика Дагестан, Кулинский район, с Вихли здание администрации, либо на публичной кадастровой карте Росреестра.

## Дибирова Халун Мах1аммадул душ

Ноябрьданул 25-нний хархавар бакъа аьпалухъхьун лавгунни ххишала бакъа дак1-аьмал ххуйсса, 1-мур Ц1ув к1уллал шяраватусса Дибирова Халун.

Халун 1934-ку шинал 1-мур Ц1увк1уллал шяраву бувсар. Чьянива нину-ппугу ливт1уну ятинну ливч1сса Халуннул оьрч1шивугу ларгссар та ч1умалсса цинянал кунна, ккашилну, мякьну, къанатну зах1мат буллай.

7-ва классгу къуртал бувну зун байбивхьуссар колхозрал давурттай. Щар хьуну бур Дибиров Рамазаннун. Рамазан гьан увну ур Хьун фермальной хьунаману, микку миннал дурну дур мадара шинну.

Ялун зун бивну бур ласгу-шаргу магазинналий Рамазан завмагну. Цаппара шиннавату бивзун бур ми Южно-Сухокумский. Микку халун зун байбивхьуну бур строительный фермальной бригадирну.

Махъату зун бивну бур школалий директорнал заместительну хозяйствалул иширттал, пенсиялийн буккан ц1акул.

Халун бия бак1рал, чурххал авурсса, дак1-аьмал хьин-



сса, гьарцаннал ка-кумаг буван мяш бакъасса, цуппа ялапар хьанай бивк1сса жяматран, ч1ахху-ч1арахннан, мачча-гьаннан хьинну бусравсса, ххирасса инсан.

Буллай бивк1сса зах1-матрахлауна ва лайк хьуну бур ч1ярussa х1урматрал грамотарттан ва бахшиширттан. Халун бур дяьвилул ва зах1матрал ветеран.

Халуннул бивк1лул къурч1ишиву к1идач1лай жижара буллай буру мунил душинь Равзатлухь, уссурваврахь, ссурваврахь, гьан-маччацириннахь.

Цув алжаннул ххари

баннав, гьаттай нур дизаннав, х1авт1 иманналул буц1иннав.

Гьарнан бусравсса вил ц1а Лух1и чарий чирчунни. Му исвагьисса чурхгу Мармарчарийн бувккунни Пиш т1иннасса вил симан Т1ивт1унмасса ненттабак1, Имисса вил хасият Хьама къадитант1иссар. Дуваймунил усттарьяв Дулаймунил узданьяв, Учаймуний ц1убия Т1улмургу ххуйсса дия.

Тухум нур лахьан байсса Гьанми хьинну ххирасса, Жул аькьуллулгу къулай Маслих1атралгу хьхьирий.

Жул ххирасса ниттилсуй Рязину дурив вил рух1, Ххира лас Рамазаннуч1а Паракьат ларгхьунссар.

Зий дакъац1айсса кару Дигьалаглай духьунссар, Хьунк1улт1улт1ив ххьаханнав Х1атталливсса аьшарай.

Вил рух1 хьанний дишиннав Пирдавс алжан булуннав, Пат1иматлул пардавлух Щябик1ан нясив баннав.

1-мур Ц1увк1уллал жяматрал ц1анияту, циняппагу гьан-маччаминнал ц1анияту ссил душ Камилат

1979-ку шинал августрал 16-нний ккуллал шяраву увсса Щамхалов Оьмар Разакьлул арсенал паспорт бакъа шаврин бувну, ккалли буван къат1айлашиврий.

**Х1урмат бусса газета буккулт!**

**Най дур 2017-ку шинал 1-мур дач1и шинал бук1лансса**

**« ЧАННАЦІУКУ »**

**газетрайнсса подписка даву**

**Дач1и шинал муттальной бук1лансса**

**газетрал багъа 182 къуруш ва 46 к1ан1ик1ри**

**Ч1ун дунува чичара жула районналул газета**

**« ЧАННАЦІУКУ »**

|                                                                                            |                                                                                                                                                |                                                         |                                                                                                                                                                                                           |                                                                                                                                                             |
|--------------------------------------------------------------------------------------------|------------------------------------------------------------------------------------------------------------------------------------------------|---------------------------------------------------------|-----------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------|
| <p><b>Редакциялул адрес</b><br/>368390, Республика Дагестан<br/>Ккуллал район, ш.Ваччи</p> | <p>Газета регистрировать<br/>бывсар РФ-лул МТПР-лул<br/>Южное межрегиональное<br/>управлениялул.<br/>Регистрациялул номер<br/>ПИ № 10-4202</p> | <p><b>Хьунама редактор</b><br/><b>А.И. Къянчиев</b></p> | <p>Газета бавт1уссар «Чаннац1уку»<br/>газетрал редакциялул компьютердай,<br/>бывшуссар ГАУРД «Издательский дом<br/>«ДАГЕСТАН». Типографиялул адрес:<br/>367018. Мах1ачкъала, пр.<br/>Насрутдинова 61,</p> | <p>Буккайссар ножмардий<br/>цал,<br/>Индекс: 51317<br/>тираж 650 экз. Газета<br/>итабакьин къулбас дайсса ч1ун<br/>17.00,<br/>къулбас дурсса ч1ун 16.00</p> |
|--------------------------------------------------------------------------------------------|------------------------------------------------------------------------------------------------------------------------------------------------|---------------------------------------------------------|-----------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------|